



Broj: 0101-1317/26
Sarajevo, 04. 02. 2026. godine

Na osnovu člana 65. Zakona o visokom obrazovanju („Službene novine Kantona Sarajevo“, br. 36/22 i 28/25), člana 67. Statuta Univerziteta u Sarajevu, a u vezi sa odredbama člana 24. Zakona o zaštiti od požara i vatrogastva FBiH („Službene novine FBiH“, broj 64/09 i 77/25) i člana 24. Pravilnika o zaštiti od požara Univerziteta u Sarajevu - Rektorata, rektor Univerziteta u Sarajevu *d o n o s i*

PLAN ZAŠTITE OD POŽARA PODORGANIZACIONIH JEDINICA UNIVERZITETA U SARAJEVU

I. OPĆE ODREDBE

Član 1.

Ovim Planom zaštite od požara (u daljem tekstu: Plan) uređuju se mjere, postupci i organizacija zaštite od požara podorganizacionih jedinica Univerziteta u Sarajevu (u daljem tekstu: podorganizacione jedinice) smještenih u Kampusu Univerziteta u Sarajevu, na adresi Zmaja od Bosne broj 8., 71000 Sarajevo (u daljem tekstu: Kampus UNSA), u skladu sa Zakonom o zaštiti od požara i vatrogastvu Federacije Bosne i Hercegovine („Službene novine FBiH“, broj 64/09), podzakonskim aktima donesenim na osnovu navedenog zakona i Pravilnikom o zaštiti od požara na Univerzitetu u Sarajevu – Rektoratu.

Član 2.

Plan predstavlja obavezni operativni dokument sistema zaštite od požara i služi kao osnova za inspekcijski nadzor, unutrašnju kontrolu i praktično postupanje u slučaju opasnosti ili nastanka požara.

Član 3.

Odredbe ovog Plana obavezne su za sve radnike, studente, angažovana lica i druga lica koja se nalaze u objektima i prostorima podorganizacionih jedinica.

II. PODACI O OBJEKTIMA

Član 4.

Podorganizacione jedinice Rektorata smještene su u sljedeća dva objekta Kampusu UNSA:

- Objekat A – prizemna zgrada sa namjenom: nastavne aktivnosti i administrativni poslovi, u kojem su smještene sljedeće podorganizacione jedinice: a) Centar za interdisciplinarnu studiju „prof. dr. Zdravko Grebo“, b) Univerzitetski tele-informatički centar (UTIC), c) Centar za ljudska prava, d) Ured za podršku studentima. Dodatni prostori: arhiva i serverska soba i
- Objekat B – trospratna zgrada sa namjenom: administrativni poslovi, u kojem je smještena podorganizaciona jedinica Direkcija za izgradnju i održavanje Kampusu UNSA.



Član 5.

Prostori se koriste za nastavne aktivnosti, administrativne, kancelarijske i pomoćne namjene, bez obavljanja tehnoloških procesa koji bi predstavljali povećani rizik od požara.

III. PROCJENA UGROŽENOSTI OD POŽARA

Član 6.

Procjena ugroženosti od požara izvršena je na osnovu:

- namjene objekta,
- broja radnika i stranaka,
- vrste materijala koji se koristi i skladišti,
- instalacija i tehničkih sistema u objektu.

Član 7.

Utvrdjeni potencijalni izvori opasnosti od požara su:

- električne instalacije i električni uređaji,
- kancelarijska i informatička oprema,
- arhivska i druga papirna dokumentacija,
- serverska oprema i sistemi hlađenja,
- sistemi grijanja i klimatizacije.

Član 8.

Na osnovu izvršene procjene, objekti se svrstava u kategoriju objekata sa niskim do umjerenim rizikom od požara, uz obaveznu primjenu svih općih i posebnih mjera zaštite od požara propisanih zakonom.

IV. MJERE ZAŠTITE OD POŽARA

Član 9.

Opće mjere zaštite od požara u Rektoratu obuhvataju:

- zabranu pušenja u svim zatvorenim prostorima,
- zabranu korištenja otvorene vatre,
- zabranu upotrebe električnih grijalica koje nisu u vlasništvu Univerziteta u Sarajevu,
- zabranu improvizovanih i neispravnih električnih instalacija.

Član 10.

Posebne tehničke mjere zaštite od požara obuhvataju:

- redovne preglede i ispitivanja elektroinstalacija, gromobranske instalacije i sistema grijanja od strane ovlaštenih pravnih lica,
- održavanje sistema za dojavu i gašenje požara,
- obezbjeđenje slobodnih i prohodnih evakuacionih puteva.



- posebna kontrola serverske sobe (hlađenje, napajanje, zabrana skladištenja drugih materijala).
- zaštita arhive od izvora toplote i vlage.

Član 11.

O izvršenim pregledima, ispitivanjima i servisiranju vodi se pisana evidencija koja mora biti dostupna inspekcijskim organima.

V. ORGANIZACIJA ZAŠTITE OD POŽARA

Član 12.

Rektor Univerziteta u Sarajevu odgovoran je za uspostavljanje, organizaciju i funkcionisanje sistema zaštite od požara u podorganizacionim jedinicama.

Član 13.

Rektor posebnom odlukom imenuje radnika odgovornog za provođenje mjera zaštite od požara, te utvrđuje njegova ovlaštenja i odgovornosti.

Član 14.

Radnik odgovoran za zaštitu od požara naročito je dužan da:

- prati primjenu propisa i ovog Plana,
- organizuje obuku radnika,
- vodi propisane evidencije,
- koordinira postupanje u slučaju požara,
- sarađuje sa nadležnom vatrogasnom jedinicom i inspekcijskim organima.

VI. POSTUPAK U SLUČAJU POŽARA

Član 15.

Svako lice koje primijeti požar ili neposrednu opasnost od požara dužno je odmah:

- ukloniti opasnost ako time ne ugrožava vlastitu sigurnost,
- započeti početno gašenje požara odgovarajućim sredstvima,
- obavijestiti vatrogasnu jedinicu na broj 123,
- obavijestiti odgovorno lice za zaštitu od požara.

Član 16.

Rukovođenje početnim gašenjem i evakuacijom do dolaska vatrogasne jedinice vrši radnik odgovoran za zaštitu od požara.



VII. EVAKUACIJA I SPAŠAVANJE

Član 17.

Plan evakuacije mora biti istaknut na vidnim mjestima u objektu, sa jasno označenim izlazima i pravcima kretanja.

Član 18.

Posebna pažnja posvećuje se evakuaciji lica sa smanjenom pokretljivošću.

VIII. OBUKA I UPOZNAVANJE RADNIKA

Član 19.

Rektorat je obavezan organizovati obuku radnika iz oblasti zaštite od požara najmanje jednom u dvije godine.

Član 20.

Obuka obuhvata:

- teorijsko upoznavanje sa propisima,
- praktičnu upotrebu aparata za početno gašenje požara,
- provjeru znanja.

Član 21.

O izvršenoj obuci i provjeri znanja vodi se uredna evidencija koja se čuva u Rektoratu.

IX. EVIDENCIJA, NADZOR I AŽURIRANJE PLANA

Član 22.

U Rektoratu se vode sljedeće obavezne evidencije:

- evidencija o obuci radnika,
- evidencija o ispravnosti vatrogasne opreme,
- evidencija o pregledima i ispitivanjima instalacija,
- evidencija o nastalim požarima i incidentima.

Član 23.

Unutrašnji nadzor nad provođenjem mjera zaštite od požara provodi radnik odgovoran za zaštitu od požara.

Član 24.

Plan se obavezno preispituje i ažurira:

- najmanje jednom u dvije godine,
- nakon svake promjene namjene prostora,
- nakon značajnijih organizacionih ili tehničkih promjena,



- nakon inspeksijskog nadzora.

X. ZAVRŠNE ODREDBE

Član 25.

Ovaj Plan zaštite od požara donosi se kao interni organizaciono-operativni akt za podorganizacione jedinice, na osnovu važećih zakonskih i podzakonskih propisa, te Pravilnika o zaštiti od požara na Univerzitetu u Sarajevu – Rektoratu.

Član 26.

Ovaj Plan donosi se u skladu sa važećim propisima iz oblasti zaštite od požara i internim aktima Univerziteta u Sarajevu, kao akt kojim se uređuju organizacija, mjere i postupanje u slučaju opasnosti ili nastanka požara u objektima Rektorata.

Član 27.

U slučaju promjene važećih propisa, namjene prostora ili drugih okolnosti koje mogu imati uticaj na stepen ugroženosti od požara, ovaj Plan će se blagovremeno uskladiti sa novonastalim okolnostima, u skladu sa zakonom.

U slučaju izmjena važećih propisa, promjene namjene prostora, tehničkih karakteristika objekta ili povećanja rizika od požara, rektor će osigurati usklađivanje ovog Plana sa novonastalim okolnostima, uključujući, po potrebi, pribavljanje stručnih mišljenja ovlaštenih organizacija.

Član 28.

Ovaj Plan stupa na snagu danom donošenja i objavit će se na službenoj stranici Univerziteta u Sarajevu.


REKTOR
Prof. dr. Tarik Zaimović

Generalni sekretar Univerziteta potvrđuje da je ovaj Plan u skladu sa zakonskim i podzakonskim propisima koji su na snazi, te da je rektor Univerziteta u Sarajevu nadležan za donošenje istog shodno članu 65. Zakona o visokom obrazovanju („Službene novine Kantona Sarajevo“, broj 36/22 i 28/25).

Dostaviti:

- rektoru Univerziteta u Sarajevu;
- podorganizacionim jedinicama Univerziteta u Sarajevu, smještenim u Kampusu
- Salhudinu Gadži, radniku odgovornom za provođenje mjera zaštite od požara na Univerzitetu u Sarajevu – Rektoratu;
- Generalnom sekretaru Univerziteta u Sarajevu;
- Službi za upravljanje imovinom Univerziteta u Sarajevu;
- a/a.

